



ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Espesyal na Isyu
Abril 19, 2004
www.philippinerevolution.org

Sang tumpok nga kabutigan nga psuedo-repormista

Sabat sa bayad nga anunsyo sang pila ka elemento sang CBCP-NASSA kaangot sa PTC

1. Ang mga utok sa binayaran nga anunsyo sang CBCP-NASSA sa Abril 16 nga isyu sang PDI amo ang mga peke nga *social democrat* kag mga nagapostura nga repormista nga ang matuod nga tuyo amo ang anti-komunistang intriga. Nagapostura sila nga repormista para lang pangapinan ang garuk nga sistema kag pasistang estado. Ang mga lider nila ang yara subong sa mataas nga pwesto sang National Security Council kag National Intelligence Coordinating Agency kag mga poderosong ahensya sa kabinete kag Malakanyang. Hayag sila nga nagpanguna sa pagduso sang *total war* kag pasistang paghingabot sang AFP-PNP kag direkta nga kakunsabo sang mga *psywar expert* kag pasistang berdugo sang AFP-PNP, batuk sa rebusyonaryong kahublagaan.

May mga nakapirma sa bayad nga anunsyo nga mahimo masiling wala sang malain nga intensyon kag mahimo nadala lang sang mga intriga, kabutigan kag disimpormasyon batuk sa BHB. Dapat tinguhaan nga maabot sila kag paathagan. Kasubong man, kinahanglan atahagon sa publiko ang mga isyu nga ginabato kag ginatiko sang bayad nga anunsyo. Sayod man kita nga may pila ka kasaypanan kag pagkulang kaangot sa pila ka aksyong militar nga ginatapalan sang mga *psywar expert* sang AFP-PNP agud magdabuk sang isteryang anti-terorista batuk sa BHB.

burukrata kag NGO batuk sa PTC sang BHB. Ang mga nasambit nga punto sa kabilugan nagaduso sang Ultra-Tuo nga mga panan-awan bahin sa *peace talks* kag labi nga demagohiko nga nagapangbasol sa BHB para sa lapnagon nga korapsyon kag kagarukan sang reaksyunaryong eleksyon kag reaksyunaryong pulitika, kag pati sa sobra nga kadakuon sa lang-at sang pangabuhian sang mga manggaranon kag imol.

Ginahingalitan sang bayad nga anunsyo ang mga ilusyon nga burgis kag petiburges kaangot sa reaksyunaryong eleksyon kag ginasakyan ang buhos sang mga intriga kag pagpangtorse batuk sa BHB halin sa pabrika sang mga balita sa Kampo Aguinaldo—para mangalap sang suporta sa pagpabaskog sang *total war* kag pasista nga paghingabot sang AFP-PNP. Base sa subong nga realidad sang pungsod, indi man maglayo ang paghatag rason kag pagsuporta sa sige nga pagpasingki sang interbensyon militar sang US.



2. Ang bayad nga anunsyo nagahatag sang mga *propaganda pointer* para sa mga reaksyunaryong

3. **Pundamental nga panindugan sang BHB sa reaksyunaryong eleksyon.** Ang BHB wala nagapasakup sa reaksyunaryong eleksyon. Maathag ini nga ginapamatud-an sang bug-os nga kasaysayan sang papet nga republika kag sang labing nagalala nga realidad sa sosyo-ekonomya kag pulitika nga indi makalaum diri ang pumuluyo sang tunay nga solusyon sa tuman kalala nga krisis kag mga pundamental nga problema sang pungsod. Ang reaksyunaryong eleksyon isa ka proseso pulitikal nga hugot nga kontrolado halin sa umpisa tubtub sa

katapusan sang imperyalismong US kag sang mga lokal nga reaksyunaryong kakunsabo sini. Lubos ang pagkontrol nila sa mga mayor nga ginahalina sang pondo pangkampanya, sa masmidya, mga pagsulundan kag makinaryang burukratiko, mga pinakamabaskog nga reaksyunaryong partido, kag iba pa nga pinakamalahalon nga kasangkapan para pat-uron ang pagdaug sa reaksyunaryong eleksyon. Permi pa nga nakabantay ang makinarya sa pagpaniplang kag pagpamigos sang reaksyunaryong estado agud batuan kag pungan ang impluwensya kag pagdaug sang mga tunay nga progresibong kandidato.

Sa amo man, ginatahud sang BHB ang kinamatarung kag pagtinguha sang mga ligal nga progresibong pwersa nga mag-entra sa reaksyunaryong eleksyon agud hingalitan ang anuman dira nga kahigayunan—anuman ini kagamay ukon kalimitado—para isulong ang mga prinsipyo kag interes sang pumuluyo. Tuman ka daku ang mga disbentaha nga ginaatubang nila, tuman kadaku kag tuman kadamu sang bentaha sa ila sang mga pwersang reaksyunaryo kag pro-

imperyalista.

Nagatinguha man ang rebolusyonaryong hublag nga hingalitan ang tanan nga kahigayunan para isulong ang mga handum kag paghimakas anti-imperyalista, antipyudal kag antipasista. Base diri, handa ini mag-ayuhay kag makigbuligay sa tanan nga pwersa kag elemento nga mainabayanon bisan hingalit, agud maisulong ang paghimakas sang pumuluyo kag magkuha sang mga benepisyo para sa rebolusyonaryong pwersa, baseng masa kag kahublagang masa.

Muklat man ang rebolusyonaryong kahublagan sa pagpadipulos sang tanan nga kahigayunan, pati ang mga banggianay sang mga reaksyunaryo, agud batuan, ihamulag kag paluyahon ang mga pinakamalaut nga reaksyunaryo, nga labing daku ang kasalanang kahalitan nga ginahimo sa interes sang pungsod, pumuluyo kag rebolusyon.

4. Pabudlay sa mga kandidato nga imol? Daku nga kaladlawan ang pantasya nga ginalubid sang bayad nga anunsyo nga may hilway nga kumpetisyon sang mga kandidato nga manggaranon kag imol sa reaksyunaryong eleksyon, bagay nga ginagamu kuno subong sang BHB.

Madugay bag-o pa man ang panahon sang kampanya, ang mga prinsipal nga reaksyunaryong paksyon, ang mga pinakapoderoso kag labing kwartahan nga paksyon, pamilya, burukrata kag pinansyer (lehitimo man ukon indi) sa nagkalain-lain nga lebel naga-ebalwar, nagapili kag nagahanda na sang ila

pagamanukon sa reaksyunaryong eleksyon. Sa piliay pa lang sang kandidato kag pagbilog sang tiket sang mga pangunahon nga partido nagapangibabaw na ang reaksyunaryong pulitika, sarado na ang pwertahan sa mga kandidato nga imol kag labi na sa mga kandidato nga maka-imol. Ini ang realidad sa reaksyunaryong pulitika kag reaksyunaryong eleksyon halin sa idalum kag labi pa sa mas mataas nga mga lebel. Isa ka anomalya sa reaksyunaryong pulitika ang imol nga kandidato sa munisipalidad pataas.

Pero kon may ara man kag may kandidato nga imol ukon "wala ikasarang magbayad" nga nagadaglagan sa anuman nga pwesto sa reaksyunaryong eleksyon, makasi-guro siya ukon sila nga ang BHB ukon mga pagsulundan sini ang pinakagamay nga dapat niya problemahan sa pagbunggo sa mga kandidato nga ginpili, suportado kag ginpondohan sang mga nagadominar nga reaksyunaryong paksyon.

Kumpara sa ginatus-gatos ka milyon nga ginabuhos sang mga reaksyunaryong partido kag pulitiko sa eleksyon sa munisipalidad pataas, ang *access fee* ukon PTC sang BHB sang pudyot lang. Mas malalahon sa panan-awan sang BHB ang tanda sang pagtahud kag pagpaabot sa rebolusyonaryong gahum sa mga sona kag baseng gerilya. Ang mga sona kag baseng gerilya nga ini ginpundar paagi sa kabuhikag-kamatayon nga paghimakas kag indi maayuan nga sakripisyo sang mga rebolusyonaryong pwersa kag masa. Mas malalahon man para sa BHB ang oportunidad nga makigsugilanon sa tanan nga handa



ANG Bayan

Espesyal nga Isyu Abril 19, 2004

Ang *Ang Bayan* ginabantala sa lengwahe nga Pilipino, Bisaya, Iloko, Hiligaynon, Waray kag Ingles.

Mahimo ini i-download halin sa Philippine Revolution Web Central nga makit-an sa:

www.philippinerevolution.org

Nagabaton ang *Ang Bayan* sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan.

Malab-ot kami paagi sa e-mail sa: angbayan@yahoo.com

Ang *Ang Bayan* ginabantala duha ka beses kada bulan sang Komite Sentral sang Partido Komunista sang Pilipinas

makig-abyan ukon maayuhan buot kag mangalap sang suporta nga wala kundisyon para sa benepisyo sang BHB, baseng masa kag kahublagang masa.

Ang desisyon sang BHB sa mga hingyo nga permiso nga makapanangampanya sa mga sona kag baseng gerilya sini indi solo ukon pangunahon nakabase sa kantidad nga ginabayad nila. Daku nga mas matimbang ang kahandaan nga magtahud kag makig-ayuhay indi lang sa rebolusyonaryong pwersa kundi labi pa sa pumuluyo sa lugar. Kaangot sini, ginapanindugan sang BHB ang kinamatarung nga pungan ang sin-o man nga gusto mag-sulod sa mga sona kag baseng gerilya sini para lang magsabwag sang hilo kag kaakig, mang-espiya kag manabotahe batuk sa rebolusyonaryong hublag. Ang mga nagsulod sa mga sona kag baseng gerilya nga wala panabi-tabi kag luwas pa sa nagadala sang mga armadong *escort* nga *goons* ukon pasistang militar ginasigahum nga may malain nga intensyon kag husto lamang nga atubangon sang nagakabagay nga armadong aksyon sang BHB.

5. Pagpugong sa kinamatarung sa impormasyon sang pumuluyo sa mga sona kag sonang gerilya? Ang ordinaryong pumuluyo sa sona kag baseng gerilya sang BHB, kumpara sa iban nga bahin sang pungsod, mas maalam kag mas madalum kaayo sa paghangup sa matuod nga kahimtangan sang katilingban, mga pangunahon nga isyu, kag matuod nga kinaiya kag interes sang mga pangunahon nga pwersa pulitikal sa pungsod. Indi halin sa kada ikatlo ka tuig nga mga sarswela kag buladas sang mga nagakampanya nga reaksyunaryong kandidato ang may amo sini nga kinaalam nila, kundi sa muklat nga pagpartisipar sa mga panghimakas sang pumuluyo kag

wala kakapoy nga edukasyong pangpulitika kag pag-organisa sang mga asosasyong masa, organo sang gahum pangpulitika, komite sang NDF kag mga yunit sang BHB. Ang ordinaryo nga pumuluyo sa mga sona kag baseng gerilya sang BHB mas matalum kaayo nga nakakilala sa matuod nga nagasakdag sa interes sang pumuluyo kag sa mga tiglawas kag tagapangapin sang mga dumuluong kag lokal nga mapanghimulos nga sahi. Ginapamatud-an nila ini indi lang pangunahon sa kon ano ang ginasulat sa balota sa mga reaksyunaryong eleksyon, kundi sa pagpakigbato sa sari-sari nga pwersa nga nagatuyo manghukhuk, mangpigos kag mangtiplang sa ila. Ang pumuluyo nga gungong kag indi muklat indi pwede magrebolusyon. Obligado na magtuon kag mag-alam ang pumuluyo sa mga sona kag baseng gerilya sang BHB bangud kinahanglan nila ang armas sang kaalaman para pangapinan ang ila panghiliusa kag batuan ang wala untat nga mga intriga kag disimpormasyon, mga pagpamahog kag pagpang-ipit, kag wala kaluoy nga pagpanalakay sang mga pasistang tropa sang AFP-PNP-CAFGU.

6. Pagpalala sa korapsyon? Mabaskog nga silut sa masa sang pumuluyo ang wala untat nga korapsyon kag kagarukan nga nagaputos halin sa ulo tubtub sa tiil sa burukrasya sibil kag militar sang reaksyunaryong gubyerno. Baliskad sa pagpaburon sang bayad nga anunsyo sang CBCP-NASSA, ang matuod nga sa kaidadalman sang kagarukan nga ini amo ang sobra nga pagpanghukhuk sang mga mapanghimulos

nga sahing dumuluong kag lokal, ang labing parasitiko nga pananawan kag gawi sang mga reaksyunaryo nga naghari sa putukputukan sang sistema pangpulitika kag pang-ekonomya, kag ang tuso nga pagmanipular sang imperyalismong US sa kadalukon kag pagkapapet sang mga lokal nga nagaharing sahi para bulag nga mapasunod ang reaksyunaryong gubyerno sa anuman nga dikta sang Washington kag mga internasyunal nga ahensyang kontrolado sini pareho sang IMF-WB-WTO. Buot magpakalimpyo ang imperyalismong US bahin sa korapsyon pero sila mismo ang nagadabuk kag pinakadaku nga nakabenepsiyo diri. Ang mga ini ang yara sa likod sang pagpinalumba sang korapsyon sa reaksyunaryong gubyerno sa panahon ni Marcos, amo man labi pa nga naglout sa panahon ni Corazon Aquino, Ramos, Estrada kag Macapagal-Arroyo.

Sobra nga ginhitad ang lohika kag imahinasyong *socdem* ang ibasol sa sang pudyot nga ginasukot sang PTC ang ginatugatos bilyon kada tuig ang ginausik sa pondo publiko bunga sang lapnagon nga kurapsyon kag kagarukan-indi na pagkwentahon ang iban pan nga kahalitan nga tuga sang sobra-sobra nga pagtiiko kag pagpanamad sa mga polisiya nasyunal.

Pinakamanubo kag pinakapisan ang rekord sang mga pwersa nga rebolusyonaryo kag progresibo sa pagbato sa korapsyon kag mga garuk nga pulitiko. Sari-saring nga pagpamigos kag pagpang-abuso ang ginsudlan nila agud pamatukan ang mga pinakadaku nga pagpamuyong halin kay Marcos tubtub kay



Estrada kag tubtub kay Jose Pidal. Bisan nakipagkompromiso ukon nagahipos na ang iban, ang mga ligal nga progresibong pwersa sa paagi sang kahublagang protesta kag iban pa, malig-on kag wala kakapoy nga nagapadayon sa pagbato para pasabton sa hustisya ang mga nagpamuyong pareho kanday Marcos kag Estrada. Ginahimo man sang mga iligal nga rebolusyonaryong pwersa ang tanan nga masarangan agud lagson kag pasabton ang mga pinakadaku nga buyong. Isa ka pamatuod ang nagapadayon nga daku nga timbang ang ginahatag sang NDFP sa halambalanon nga ini ang paghilera sang mga problema nga dapat atubangon sa *peace talks* sang NDFP kag GRP.

Kaangot sini, ano ang gusto ipabugul sang mga peke nga *socdem* kag mga peke nga repormista, sang mga promotor kag benepisyaryo sang multi-bilyon nga raket sa PEACE Bonds, sang mga burukrata nga *civil society* nga nagapagusa sa mga pusisyon kag pribilehiyong ginpabor sa ila sang rehimeng Macapagal-Arroyo kag iban pa nga reaksyunaryong rehimen halin kay Aquino, kag subong kabahin sa mga idu-buang nga tagapangapin sang garuk nga sistemang reaksyunaryo kag estado nga papet kag pasista?

7. Ano ang pinakadaku nga sablag sa pag-abante sang *peace talks*? Ginapabugul sang bayad nga anunsyo nga ang paghandum kuno sang NDFP nga mahatagan sang *status of belligerency* ang pinakadaku nga sablag sa pag-abante sang *peace talks*. Ini man madugay na nga ginawakal sang mga militarista kag mga peke nga *socdem* nga pareho ang handum nga mapasurender ukon indi gani kumpleto nga mawasak ang armadong rebolusyon. Sa kamatuoran, ang obsesyon sang mga militarista kag peke nga *socdem* sa pagpasurender ukon indi gani todo nga paglagas kag magwasak sa mga rebolusyonaryong pwersa ang yara sa likod sang mga pinakadaku nga pagkaatrasar kag gamu sa pagsulong sang *peace talks*. Sugyot sang mga militarista sa pagpamuno ni Angelo Reyes ang arbitraryong pagtalikod ni Estrada sa *peace talks* pagkatapos niya pirmahan ang CARHRIHL, kasunod ang pagmandu sang *all-out* nga gera batuk sa rebolusyonaryong kahublagan. Sugyot sang mga militarista kag mga peke nga *socdem* ang arbitraryo nga pagsuspender ni Macapagal-Arroyo sa *peace talks* sang masobra duha ka tuig sa paglaum nga pwede sini kugmaton ang NDFP sang gera anti-terorismo ni Bush kag interbensyon militar sang US.

Ang *peace talks* sa kamatuoran madugay na nga umabante nga lampas sa halambalanon sang pagsurender sang NDFP. Sa The Hague Joint Declaration ginkasugtan ang *peace talks* base sa pangkabilugan nga balayon sang mga prinsipyo sang pungsodnon

nga soberanya, demokrasya kag hustisya sosyal nga ginabaton sang magtimbang nga bahin. Ginaksug-tanan man ang paglikaw sa anuman nga prekundisyon nga magasamad sa natural nga kinaiya kag katuyuan sang negosasyon pangkalinungan. Sa subong ginatubang sa *peace talks* ang halambalanon sa implementasyon sang CARHRIHL, ang una nga kumprehensibo nga kasug-tanan sa tunga sang duha ka Partido, kag ang pag-abante sa mga halambalanon sang mga pundamental nga reporma sa sosyo-ekonomya. Labing makaduluda, kon amo, ang adyenda nga yara sa likod sang tuyo sang bayad nga anunsyo sang CBCP-NASSA nga padakuon liwat ang halambalanon kuno sa *status of belligerency* sang NDFP. Ini maaathag nga panibag-o nga tuyo para lisuon paatras ang *peace talks* kag ibahura naman ini sa halambalanon nga malapit sa tagipusuon sang mga militarista kag peke nga *socdem* ang paghingyo sa pagsurender sang mga rebolusyonaryong pwersa.

Indi mabalibaran ang pagluntad sang duha ka hangaway kag duha ka makaiba nga gahum pangpulpitika sa pungsod: ang papet kag reaksyunaryong GRP kag AFP sa isa ka bahin, kag ang rebolusyonaryong gahum kag hangaway sang banwa sa pihak. Ang katuyuan sang *peace talks* sa tunga nila amo ang pagpangita sang mga punto nga mabaton sang magtimbang nga bahin padulong sa ikalubad sang mga pundamental nga problema pungsodnon kag pangkatilingban nga uagt sang armadong nga gera sibil, luwas pa sa pagtilaw nga maghisugot sa paglubad sang mga palaligban kag halambalanon nga magabunga sang gilayon nga benepisyo sa pumuluho.



Sabat sang NDFP *negotiating panel* sa bayad nga anunsyo sang CBCP-NASSA

Luis G. Jalandoni

Tagapamuno

NDFP *Negotiating Panel*

Abril 19, 2004

Bilang Tagapamuno sang *Negotiating Panel* sang National Democratic Front of the Philippines (NDFP), gin-awtorisahan ako sang NDFP National Executive Committee nga magpagguwa sang pormal nga sabat sa mga palamangkutanon nga ginplatar sang pahayag nga "NPA Taxation in the May 2004 elections" sang CBCP-NASSA nga pirmado sang mga obispo nga Katoliko kag mga *social action director*. Hingalitan sang NDFP ang kahigayunan nga ini agud magpaathag ang mga bahasan nga prinsipyo nga nagabay sa rebolusyonaryong pagbuhis indi lang para sa mga nagpirma sa pahayag kundi sa tanan nga tawo nga nagapati nga isa ka porma sang pagpangilkil ang pagpahanugot sang BHB sa mga kandidato kag mangampanya sa eleksyon nga nagasulod sa teritoryo sang rebolusyonaryong gubyrno nga ginatawag nga "permit to campaign" sang iban.

Ang ginapahayag namon diri pareho man sang ginpahayag namon sa lamesa sang negosasyon kaangot sang nasambit man nga halamabalanon sang kutkuton ini sadtong Abril 1 sang isa ka katapu sang *negotiating panel* sang Gubyrno sang Republika sang Pilipinas (GRP) sa ikaduha nga bahin sang pormal nga sugilanon pangkalinungan sa Oslo, Norway halin Marso 30 tubtub Abril 3, 2004.

Una sa tanan, ginapahayag na nga ang minilyun-milyon nga pumuluyon kag mga rebolusyonaryong pwersa, lakip ang Bag-ong Hangaway sang Banwa, nga lunsay ginatiglawas sang NDFP nagarespeto sa duna kag indi mabulag nga kinamatarung kag kahilwayan magpamensar kag magpahayag sang tanan nga indibidwal kag grupo, lakip ang tanan nga klase sang partido pangpulitika kag pulitiko nga nagakampanya subong para sa eleksyon sa Mayo 2004 sang reak-

dad nga nagatanyag sang pagsuportahanay kag pagbuligay, magpusisyon nga nyutral ukon makahason nga magbato sa mga rebolusyonaryong pwersa. Himuon lamang nila ang nagakabagay nga tikang. Nasobrahan na gid kag magathag nga kabutigan ang paglantaw nga ang rebolusyonaryong gubyrno kag ang kahublagang masa makapadikta sang kaugalingon nga kagustuhan paagi sa simple nga pagpamilit ukon pagpatumtom sang pusil sa iban, lakip ang mga nagapungko nga upisyal kag mga nagahandum sang pwesto sa reaksyunaryong gubyrno. Matu-

od nagapalapit sa mga rebolusyonaryong pwersa ang mga lider pulitiko kag kandidato sa eleksyon sa Mayo 2004 agud ipaathag ang ila mga ideya kag panan-awan, magtanyag sang pagsuportahanay kag pagbuligay kag magtubos sang *security clearance* paa sa ila kampanya.

Ginahimo lamang ini sang nasambit nga mga pulitiko kag kandidato sang pareho sa ginahimo sang GRP sa pagpakigsugilanon sa NDFP nahanungod sa mga sugilanon substantibo kag teknikal. Pila lamang ka makahason nga pulitiko ang nagabalewala sa baseng masa kag armadong kusog sang rebolusyonaryong kahublagan, nagadeklarar sang gera batuk diri kag wala-hawid nga nagadala sang mga pribadong armadong grupo kag sa upisyal nga mga armadong yunit sang reaksyunaryong armadong pwersa, pulisya kag paramilitar sa teritoryo sang rebolusyonaryong gubyrno.

Ang pahanugot ukon *security*



syunaryong estado. Hilway magpahayag ang mga entidad nga ini nahanungod sa anuman nga panindugan nila nga may kunsiderasyon sa mga pungsodnon kag demokrati-kong kinamatarung sang pumuluyo.

Indi mapunggan sang rebolusyonaryong pumuluyo kag mga pwersa ang mga inisyatiba kag tikang sang nagkalain-lain nga enti-

clearance para magsulod sa teritoryo sang rebolusyonaryong gubyer-no nagatuyo nga tumuron ang ki-naiya sang mga grupo kag indibid-wal nga nagasulod kag abangan ang pagsulod sang mga tina-wo sang kaaway nga ma-gabutang sa katalagman sa pumuluyo. Bentaha katama ini lunsay sa mga rebolusyonaryong pwera kag mga kandi-dato bangud paagi sini malikawan ang mga indi kinahanglan nga eng-kwentro kag kasaypa-nan.

Wala ginabuhisan sang rebolusyonaryong gubyer-no ang kahilwa-yan sa pagpahayag, sa pihak nga mahimo ini limita-han (pero indi lapason) ang amo nga kinamatarung kon nagasulod sa teritoryo sini ang mga kontra-rebo-lusyonaryong kaaway nga may dala nga armadong tinawo agud samaron kag hangkaton ang mga rebolusyonaryong pwera. Ang ginabuhisan sang rebolusyonar-yong gubyer-no amo ang pribilehiyo nga magpadalagan sang pribado nga negosyo nga mahimo sa isa ka lebel mapanghimulos pero mahimo tugutan kag buhisan bangud kina-hanglan kag ginapanginpusan gi-hapon sang pumuluyo.

Sa idalum sang internasyunal nga layi kag sang kumon nga layi bahin sa armadong inaway, lehti-mo nga tuyo kag ginatinguhaan sang rebolusyonaryong gubyer-no kag kahublagan sang pumuluyo ang pag-angkon sang internasyunal nga pagkilala sa *status of bellige-rcy* sini. Nagahalin ini sa kama-tuoran nga naangkon sang rebolu-syonaryong gubyer-no kag kahubla-gan ang *status of belligerency* bangud sa wala untat kag determi-nadong paghimakas. Indi nila kina-hanglan nga handumon makuha

ang *status of belligerency* paagi sa sugilanon pangkalinungan kag pangmadalian nga pagkalasugot sa mga indibidwal nga pulitiko.

Ang internasyunal nga pagkila-la sa amo nga panindugan ma-gahalin sa mga kadalag-an sang mga opensiba sang BHB kag sang paglapad sang gahum kag teritoryo sang gubyer-no sang pumu-luyo. Pareho sang nahibal-an sang mga tawo nga may maayo sang buot kag may nagakaigo nga paghangup, ang mga rebolusyonaryong pwera kag pumuluyo nga ginatiglawas sang NDFP may mga kinamatarung kag katungdanan sa idalum sang interna-syunal nga layi, sang Comprehensive Agree-ment on Respect for Hu-man Rights kag Interna-tional Humanitarian Law (CARHRIHL) kag sang konsti-tusyon kag mga layi sang rebolu-syonaryong gubyer-no.

May yara man nga BHB ukon wala, makahulugang ang daku nga manggad sa mga reaksyu-naryong eleksyon kag nagaha-lin ini sa mga imperyalista, mga mapanghimulos nga sahing daku nga kumprador kag agalon nga mayduta kag mga burukrata ka-pitalista nga nagaki-naugalingon sa nako-lektang buhis kag mga pangpublikong propyedad. Sayup ang ginatarget sang *paid advertisement* kag gi-nalikaw sini ang atensyon sang tawo palayo sa mga nagapami-gos kag nagapanghimulos nga siya ang nagatalana sa kinaiya, pamaagi kag resulta sang elek-syon. Indi dapat pagguwaon nga kasaypanan sang BHB ang kagaru-kan sang sistemang elektoral kag

sang bug-os nga nagaharing siste-ma sang mga mapanghimulos nga sahi.

Halin sa sunod-sunod nga mga sala nga paghaum-haum nahanu-ngod sa BHB, nagkadto ang paha-yag sa indi matihan nga kongklu-syon nga ang reaksyunaryong eleksyon kontrolado sang BHB kag indi sang reaksyunaryong gubyer-no. Indi bala dapat hangpon sang lubos sang mga nagpagguwa sang nasambit nga pahayag nga ang eleksyon sa Mayo 2004 ginagam-han sang mga mapanghimulos nga sahi, sang reaksyunaryong gubyer-no kag sang mga korap nga pulitiko sang sistema nga nagakurakot sa ginakolekta nga buhis kag nagaba-ton sang kwarta halin sa mga amo sini nga manggaran kag ang amo nga eleksyon nagatuyo magtuga sang ilusyon nga may demokrasya?

Ang salabton sa mapanghimu-los, mapiguson kag korap nga kina-ya sang nagaharing sistema kag sang mga elektoral nga proseso sini indi mahimo ipasa sa BHB kag sa rebolusyonaryong kahublagang masa. Bisan pila ka kabutigan ang

BHB indi mawaslikan sang ba-sol. Sa kamatuoran, sa abaga sang BHB ang katungdanan nga mang-aresto sang mga buyong para maimbestiga-han kag kon gintugot sang ebidensya mapasakaan ka-so kag mabista. Ang katungdanan nga ini naghalin sa konsti-tusyon kag mga layi sang rebolu-syonaryong gub-yer-no kag sa CARHRIHL.

Ang pagdaku sang rebolusyonaryong hangaway kag tanan nga mga organisa-syon masa nga nagapanikasog para sa pagbag-o sang katilingban nagaugat sa kamatuoran nga ang pumuluyo padayon nga ginapigos sang nagaharing estado sang da-



lagku nga agalon nga mayduta, dalagku nga negosyante kag mga korap nga burukrata. Gani ginakila-la sang pumuluyo ang rebolusyonaryong gubyrno bilang gubyrno nga nagasabat sa ila mga handum. Nagapartisipar sila sa rebolusyonaryong hublag agud batuan ang mga nagapigos kag nagapanghimulos sa ila kag magtinguha nga matuman kag maisulong ang ila mga pungsodnon kag demokrati-kong kinamatarung kag interes. Nagasalig sila sa kaugalingon nila nga pagtinguha kag rekursong samtang bukas nga nagabaton sang mga boluntaryo nga kontribusyon kag donasyon para sa mga katuyuan pangkatilingban pareho sang mga ginahimo sang simbahan.

Ang mga akusasyon nga nagapangilkil ang BHB malisyoso, wala basehan, kang indi makatarungan. Ang mga rebolusyonaryong buwis, boluntaryong kontribusyon kag donasyon kon may ara man ini para sa mga katuyuan pangkatilingban sang rebolusyonaryong gubyrno kag kahublagan. Ginagamit ang mga ini agud sabton ang mga kinahanglanon sang pumuluyo kag para itib-ong kag pangapinan ang ila mga pungsodnon kag demokratikong interes.

Ang mga orihinal nga nag-imbento sang sala nga akusasyon nga ang BHB naga-imposar sang buhis sa kahilwayan magpahayag kag sa

kampanya elektoral amo mga eksperto sa saywar sang militar, mga kleriko pasista nga elemento nga nagapakuno-kuno tagasakdag sang *civil society*, mga sosyal demokrata kag mga anti-komunistang elemento nga kahimbon sang US *intelligence* sa Institute of Popular Democracy kag Akbayan. Ginahingalitan nila ang gintorse nga pahayag sang pila ka rebolusyonaryong lider nga ginapagguwa nila nga arogante kag nagtuyo piliton ang mga kandidato sa pulitika nga magbayad sang ginatawag *permit to campaign* kag pagkatapos ibuyagyag kag istudlo sila.

Tuman kaaktibo sang GRP sa pag-atake sa rebolusyonaryong pumuluyo kag mga pwersa kag mangin sa ila ligal nga progresibong partido kag kandidato. Ang saywar nahanungod sa ginatawag PTC kag ang pag-akusar nga komunista ang mga progresibo nagatuyo hatagan-rason ang mapintas nga atake, dugangan ang wala hawid-hawid nga paglapas sa tawhanon nga kinamatarung kag buhinan ukon kuhaan sang boto ang mga progresibong partido kag kandidato.

Wala pa sang kandidato nga nagaako nga naghatag siya sang kwarta sa BHB bangud sa kahadlok. Pila ka pulitiko lamang nga ginagamit sang militar para sa saywar ang nagpahayag sang mga kabutigan batuk sa BHB. Una sa tanan, ang pila nga ini mga malaut nga kaaway sang BHB.

Ginasiling sang pahayag nga ang BHB nakakolekta sang tuman kadaku nga kantidad halin sa "PTC"

para pangbakal sang mga pusil. Kaangot sini, ginaathag naton nga halos 100% sang mga armas sang BHB nakuha sa mga inaway. Bugana sa armas ang pungsod bangud una sa tanan ginaspulayan sang Pentagon ang papet nga militar, pulisya kag paramilitar. Naagaw na lamang sang BHB ang mga armas nga ini paagi sang paglunsar sang mga taktikal nga opensiba pareho sang mga ambus kag reydbatuk sa mga pwersa militar, pulis kag paramilitar.

Nahanungod naman sa "*civil society*." Pwede nga maayo nga termino ini. Pero sa panahon nga ini, ini wala kinatuhay sa wala unod nga termino nga ginangkon sang mga parasitikong NGO nga ginpondohan sang mga imperyalista, agud tabunan ang makahas kag mapintas nga kinaiya sang reaksyunaryong estado kag maglagas sang maayo nga pagbinatasan kag pagka-maayo sa pumuluyo sa idalum sang barbaro kag brutal nga pwersa sang mapanghimulos nga sahi. Pagkatapos magpostura bilang sibil nga tagasakdag sang paltik nga sosyal nga demokrasya, naghayag si Norberto Gonzales bilang ginapaboran sang US nga *national security adviser* sang papet nga gubyrno.

Ang mga manugtunto sa mga NGO nga ginatawag *civil society* wala sang ginapamangkut bahin sa PTC kundi magsabwag sang ila mga kabutigan kag mga sala nga kongklusyon. Natiplang nila ang iban agud magpahayag ang mga ini sang mga pamangkot nga may ginadampigan na nga panan-awan kag wala man sang ginalauman nga sabat. Ang mga nagpamuno sa mga manugtunto kag kleriko pasista nga ini amo ang mga mataas nga upisyal sang gubyrno sa subong.



Ang pinakapunta sang ila kagarukan nabuyagyag sang PEACe Bond scam kon sa diin nag-abot sa P1.6 bilyon ang naimbolbado nga kahalitan sang pumuluyo kag sang paglikaw sang higante nga pondo kag dumuluong nga "ayuda" pakadto sa ginpahabok nga mga proyekto sang mga "socdem" nga NGO.

Nagmanggaran ang madamu-damo nga manugtunto sa mga NGO, lakip ang pila ka kleriko-pasista, sa mga iskandalo kag proyekto nga ini. Ang mga manuglibak nga ini batuk sa BHB kag bug-os nga rebolusyonaryong hublag sang pumuluyong Pilipino wala sang anuman nga kinamatarung magpalapta sang mga kabutigan kag mapanamad-dungog samtang kipot naman ang bibig sa binilyun-bilyon nga piso nga ginpangawat nila.

Bilang paghingapos, gusto ko sambiton ang Second Oslo Joint Statement nga ginpirmahan sang mga panel sa negosasyon sang GRP kag NDFP sadtong Abril 3, 2003. Ginabuyok sang pahayag nga ini ang tanan nga nagahandum sang makatarungan kag malawigan nga kalinungan sa Pilipinas kag sa internasyunal nga komunidad nga nagasuporta sa mga pagtinguha sang magtimbang nga bahin nga prinsipyado kag sinsero nga pangitaan sang solusyon ang gilayon nga mga problema nagabalabag sa sugilanon pangkalinungan. Ginpasikad sini ang implementasyon sang CARHRIHL. Ginatiglawas sini ang komitment sang magtimbang nga bahin nga padasigon ang negosasyon bahin sa mga reporma pangkatilingban kag pang-ekonomya. Kaangot sini, ang wala basehan kag wala matarung nga akusasyon nga "terorista" kag "manugkilkil" ang NDFP/BHB baliskad sa mga positibo nga nalab-ot na sini sang sugilanon pangkalinungan sang GRP kag NDFP.



Mga nota:

1. Ang ginatumod nga pahayag nagguwa bilang isa ka bilog nga pahina nga bayad nga anunsyo sa Abril 16, 2004 isyu sang Philippine Daily Inquirer.

2. Sabat sa pamangkot: "Kon ang restriksyon sa hulag sang mga kandidato paglapas sa ila tawhanon nga kinamatarung, indi bala ang pagkadula sang kahigayunan sang mga botante nga mabatian kag makita ang mga nagadalagan nga kandidato paglapas man sa kinamatarung nila nga makakuha sang impormasyon agud makaboto sila sang maalam?"

3. Sabat sa: "Sa pagpakignegosasyon pangkalinungan sa NDFP-BHB, ang pinakadaku nga sablag sa kadalagan sang sugilanon amo ang pagbalibad sang gubyerno nga ihatag sa ila ang 'belligerency status' nga ila ginapamilit. Kon usisaon, ang mga pamangkot sa ibabaw nagaigo sa isa lang ka pamangkot: Ang pagbuhis hilikutan sang isa ka independente nga estado; gani ang aktwal nga ginahimo sang NDF-BHB sa pagbuhis sa mga kandidato amo pagtindog sang kaugalingon bilang estado nga may gahum magbuhis sa mga teritoryo nga sa kontrol kuno nila. Nagagguwa, kon amo, nga ang indi nila makuha sa lamesa sang negosasyon makuha nila sa padihot sang pagbuhis. Gani ang katapusan nga pamangkot namon amo: Independente nga estado bala sila sa sulod sang isa pa ka independente nga estado?"

4. Sabat sa: "Ang pinakaposible nga magsunod sa kagustuhan sang BHB kag pinakaposible nga madaog sa eleksyon amo yadtong mga pulitiko nga kilala nga korap kag may kapot nga kwarta bunga sang ila mga korap nga buhat. Kon amo, indi bala ini lubos nga kabaliskaran sang kuno katuyuan sang BHB nga bag-uhon ang katilingban Pilipino kag sikwayon ang tanan nga sari sang korapsyuon nga madugay na nga salot sa pagpangbuhi sa aton pungsod?"

5. Sabat sa: Kag kon indi ideklarar nga napaslawan ang eleksyon kag ang nagdalaug amo yadto nga nagbayad sa BHB, indi bala ini nagakahulugan nga ang proseso sang eleksyon kontrolado indi sang gubyerno kundi sang BHB?"

6. Sabat sa: "Kon iba ang nagahimo sa ginabuhat sang BHB, indi bala ini ginatawag ini nga pangilkil sa idalum sang layi?"

7. Sabat sa: "Kon ang mga suldado magbaligya sang pusil sa mga rebelde agud buligan sila magpatay sa kaparehong suldado, indi bala pareho man ini sang mga pumuluyo nga nagabayad sang 'buhis' sa mga rebelde kag sa sini nagabulig sa ila nga magpatay sa suldado gamit ang mga pusil nga ginbakal paagi sa nasambit nga 'buhis'?"